

Pleidleisiau a Thrafodion – Y Cyfarfod Llawn

Lleoliad y cyfarfod:

Gellir gwyllo'r cyfarfod ar [Senedd TV](#) yn:

Y Siambr – Y Senedd

<http://senedd.tv/cy/4293>

Dyddiad y cyfarfod:

Dydd Mercher, 24 Mai 2017

Amser y cyfarfod: 13.30

72

1 Cwestiynau i Ysgrifennydd y Cabinet dros yr Amgylchedd a Materion Gwledig

Dechreuodd yr eitem am 13.30

Gofynnwyd cwestiynau 1–4 a 6–9. Tynnwyd cwestiwn 5 yn ôl. Gwahoddodd y Llywydd lefarwyr y pleidiau i ofyn cwestiynau i Ysgrifennydd y Cabinet ar ôl cwestiwn 2.

2 Cwestiynau i Ysgrifennydd y Cabinet dros Gymunedau a Phlant

Dechreuodd yr eitem am 14.16

Gofynnwyd cwestiynau 1–4 a 6–11. Tynnwyd cwestiwn 5 yn ôl. Gwahoddodd y Llywydd lefarwyr y pleidiau i ofyn cwestiynau i Ysgrifennydd y Cabinet ar ôl cwestiwn 2.

3 Cwestiynau Amserol

Ni chyflwynwyd unrhyw Gwestiynau Amserol.

4 Datganiadau 90 Eiliad

Dechreuodd yr eitem am 15.00

Gwnaeth Huw Irranca-Davies ddatganiad ar Eisteddfod yr Urdd Pen-y-bont ar Ogwr, Taf ac Elái.



Cynulliad
Cenedlaethol
Cymru

National
Assembly for
Wales

Gwnaeth Dawn Bowden ddatganiad ar Wrthryfel Merthyr a Dic Penderyn.

Gwnaeth Vikki Howells ddatganiad ar Ddiwrnod Newyn y Byd a'r defnydd o fanciau bwyd yng Nghymru.

5 Datganiad gan Ysgrifennydd y Cabinet dros Addysg: Asesu ar gyfer Dysgu – dull gwahanol yng Nghymru

Dechreuodd yr eitem am 15.05

6 Datganiad gan y Cwnsler Cyffredinol: Ymgynghoriad ar God Erlyn Llywodraeth Cymru

Dechreuodd yr eitem am 15.37

7 Dadl gan Aelodau Unigol o dan Reol Sefydlog 11.21(iv) – Gohiriwyd tan 14 Mehefin

8 Dadl y Ceidwadwyr Cymreig

Dechreuodd yr eitem am 15.57

Gohiriwyd y bleidlais ar y cynnig a'r gwelliannau o dan yr eitem hon tan y cyfnod pleidleisio.

Cynhaliwyd pleidlais ar y cynnig heb ei ddiwygio:

NDM6316 [Paul Davies \(Preseli Sir Benfro\)](#)

Cynnig bod Cynulliad Cenedlaethol Cymru:

1. Yn croesawu ymrwymiad Prif Weinidog y DU i ddileu tollau ar Bontydd Hafren, a fydd yn sicrhau hwb o £100 miliwn i economi Cymru.
2. Yn cydnabod yr angen am fargen dwf i ogledd Cymru a phwysigrwydd hyn ar gyfer ffyniant yn y rhanbarth yn y dyfodol.
3. Yn nodi pwysigrwydd datblygu bargeinion rhanbarthol tebyg ar gyfer cymunedau gwledig yng nghanolbarth Cymru er mwyn sicrhau bod ein gwlad yn gweithio i bawb.

O blaid	Ymatal	Yn erbyn	Cyfanswm
15	0	29	44

Gwrthodwyd y cynnig heb ei ddiwygio.

Cyflwynwyd y gwelliannau a ganlyn:

Gwelliant 1. [Jane Hutt \(Bro Morgannwg\)](#):

Dileu popeth a rhoi yn ei le:

Cynnig bod Cynulliad Cenedlaethol Cymru:

1. Yn croesawu rôl arwain Llywodraeth Cymru wrth iddi gydweithio â phartion eraill i ddileu tollau ar Bontydd Hafren, a fydd yn sicrhau hwb o £100 miliwn i economi Cymru.
2. Yn nodi'r ffaith bod y Prif Weinidog wedi newid ei meddwl o safbwynt cefnogi'r cynnig i ddileu tollau Pontydd Hafren.
3. Yn cydnabod ymrwymiad Llywodraeth Cymru i gydweithio â Llywodraeth y DU a phartneriaid ar bob ochr i gyflawni bargaen dwf i ogledd Cymru a sicrhau cysylltiadau trafndiaeth cynaliadwy i mewn i bob rhan o Gymru.
4. Yn nodi'r ffaith mai un rhan yn unig o gynllun Llywodraeth Cymru i gynyddu twf economaidd a gwella'r system drafnidiaeth yng Nghymru yw dileu'r tollau. Mae'r cynllun hwn yn cynnwys gwaith sydd eisoes ar droed i ddatgarboneiddio'r rhwydwaith trafndiaeth, a hynny'n unol â rhwymedigaethau Deddf Llesiant Cenedlaethau'r Dyfodol (Cymru) 2015.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
23	0	21	44

Derbyniwyd gwelliant 1.

Gan fod gwelliant 1 wedi'i dderbyn, cafodd gwelliant 2 ei ddad-ddethol.

Gwelliant 3. [Rhun ap Iorwerth \(Ynys Môn\)](#)

Ychwanegu pwynt newydd ar ddiwedd y cynnig:

Yn galw ar Lywodraeth y DU i wneud penderfyniad cadarnhaol o ran ariannu Morlyn Llanw Bae Abertawe er mwyn sicrhau twf economaidd yn yr ardal honno.

Cynhaliwyd pleidlais ar welliant 3:

O blaid	Ymatal	Yn erbyn	Cyfanswm
44	0	0	44

Derbyniwyd gwelliant 3.

Gwelliant 4. [Rhun ap Iorwerth \(Ynys Môn\)](#)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i ymgynghori â Chyngor Sir Penfro i ddileu tollau ar Bont Cleddau yn Sir Benfro fel hwb economaidd i'r ardal.

Cynhaliwyd pleidlais ar welliant 4:

O blaid	Ymatal	Yn erbyn	Cyfanswm
23	0	21	44

Derbyniwyd gwelliant 4.

Cynhaliwyd pleidlais ar y cynnig wedi'i ddiwygio:

NDM6316 [Paul Davies \(Preseli Sir Benfro\)](#)

Cynnig bod Cynulliad Cenedlaethol Cymru:

1. Yn croesawu rôl arwain Llywodraeth Cymru wrth iddi gydweithio â phartion eraill i ddileu tollau ar Bontydd Hafren, a fydd yn sicrhau hwb o £100 miliwn i economi Cymru.
2. Yn nodi'r ffaith bod y Prif Weinidog wedi newid ei meddwl o safbwynt cefnogi'r cynnig i ddileu tollau Pontydd Hafren.
3. Yn cydnabod ymrwymiad Llywodraeth Cymru i gydweithio â Llywodraeth y DU a phartneriaid ar bob ochr i gyflawni bargaen dwf i ogledd Cymru a sicrhau cysylltiadau trafndiaeth cynaliadwy i mewn i bob rhan o Gymru.
4. Yn nodi'r ffaith mai un rhan yn unig o gynllun Llywodraeth Cymru i gynyddu twf economaidd a gwella'r system drafndiaeth yng Nghymru yw dileu'r tollau. Mae'r cynllun hwn yn cynnwys gwaith sydd eisoes ar droed i ddatgarboneiddio'r rhwydwaith

trafnidiaeth, a hynny'n unol â rhwymedigaethau Deddf Llesiant Cenedlaethau'r Dyfodol (Cymru) 2015.

5. Yn galw ar Lywodraeth y DU i wneud penderfyniad cadarnhaol o ran ariannu Morlyn Llanw Bae Abertawe er mwyn sicrhau twf economaidd yn yr ardal honno.

6. Yn galw ar Lywodraeth Cymru i ymgynghori â Chyngor Sir Penfro i ddileu tollau ar Bont Cleddau yn Sir Benfro fel hwb economaidd i'r ardal.

O blaid	Ymatal	Yn erbyn	Cyfanswm
23	6	15	44

Derbyniwyd y cynnig wedi'i ddiwygio.

9 Dadl Plaid Cymru – Tynnwyd yn ôl

10 Dadl Plaid Cymru

Dechreuodd yr eitem am 16.50

Gohiriwyd y bleidlais ar y cynnig a'r gwelliannau o dan yr eitem hon tan y cyfnod pleidleisio.

Cynhaliwyd pleidlais ar y cynnig heb ei ddiwygio:

NDM6318 [Rhun ap Iorwerth \(Ynys Môn\)](#)

Cynnig bod Cynulliad Cenedlaethol Cymru:

1. Yn nodi Rhaglen yr Wrthblaid Plaid Cymru a'r ymrwymiad i sefydlu cwmni ynni cenedlaethol, Ynni Cymru.
2. Yn nodi papur ymchwil gan Simon Thomas ar gynigion i greu Ynni Cymru.
3. Yn galw ar Lywodraeth Cymru i sefydlu Ynni Cymru, a fydd yn cael ei redeg fel cwmni di-ddifidend hyd braich o Lywodraeth Cymru, gan fuddsoddi elw mewn gwella gwasanaethau a phrisiau i gleientiaid.
4. Yn galw ar Lywodraeth Cymru i ymchwilio i greu rhwydwaith o gridiau ynni lleol.

O blaid	Ymatal	Yn erbyn	Cyfanswm
7	3	34	44

Gwrthodwyd y cynnig heb ei ddiwygio.

Cyflwynwyd y gwelliannau a ganlyn:

Gwelliant 1. [Jane Hutt \(Bro Morgannwg\)](#)

Dileu popeth a rhoi yn ei le:

Cynnig bod Cynulliad Cenedlaethol Cymru:

1. Yn nodi ymrwymiad hirdymor Llywodraeth Cymru i wneud y canlynol:

a) defnyddio ynni mewn modd mor effeithlon â phosibl;

b) lleihau'r ddibyniaeth ar ynni a gynhrychir o danwyddau ffosil; ac

c) rheoli'r broses o drosglwyddo i economi carbon isel er mwyn cyflawni'r manteision mwyaf posibl i Gymru a diogelu'r bobl sydd fwyaf agored i niwed.

2. Yn cydnabod cyfraniad rhaglenni a gyllidir gan Lywodraeth Cymru, fel Cartrefi Clyd, Nyth ac Arbed, Ynni Lleol, Twf Gwyrdd Cymru a'r rhaglen Byw yn Glyfar o safbwynt ysgogi a chefnogi'r trosglwyddiad cynnar i economi carbon isel.

3. Yn cydnabod rôl Llywodraeth Cymru o safbwynt cefnogi gwaith arloesol ym maes cynhyrchu ynni, fel cynllun peilot lleol a chymunedol Bethesda ar gyfer gwerthu ynni, y cynllun dŵr o bwll glo ym Mhen-y-bont ar Ogwr a chydweithio â diwydiant a'r byd academaidd.

4. Yn nodi'r ffaith bod Llywodraeth Cymru wedi cynnal cyfres o gyfarfodydd cyhoeddus ar draws Cymru er mwyn trafod cynigion ar gyfer cwmni ynni i Gymru.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
34	3	7	44

Derbyniwyd gwelliant 1.

Cynhaliwyd pleidlais ar y cynnig wedi'i ddiwygio:

NDM6318 [Rhun ap Iorwerth \(Ynys Môn\)](#)

Cynnig bod Cynulliad Cenedlaethol Cymru:

1. Yn nodi ymrwymiad hirdymor Llywodraeth Cymru i wneud y canlynol:

a) defnyddio ynni mewn modd mor effeithlon â phosibl;

b) lleihau'r ddibyniaeth ar ynni a gynhyrchir o danwyddau ffosil; ac

c) rheoli'r broses o drosglwyddo i economi carbon isel er mwyn cyflawni'r manteision mwyaf posibl i Gymru a diogelu'r bobl sydd fwyaf agored i niwed.

2. Yn cydnabod cyfraniad rhaglenni a gyllidir gan Lywodraeth Cymru, fel Cartrefi Clyd, Nyth ac Arbed, Ynni Lleol, Twf Gwyrdd Cymru a'r rhaglen Byw yn Glyfar o safbwynt ysgogi a chefnogi'r trosglwyddiad cynnar i economi carbon isel.

3. Yn cydnabod rôl Llywodraeth Cymru o safbwynt cefnogi gwaith arloesol ym maes cynhyrchu ynni, fel cynllun peilot lleol a chymunedol Bethesda ar gyfer gwerthu ynni, y cynllun dŵr o bwll glo ym Mhen-y-bont ar Ogwr a chydweithio â diwydiant a'r byd academaidd.

4. Yn nodi'r ffaith bod Llywodraeth Cymru wedi cynnal cyfres o gyfarfodydd cyhoeddus ar draws Cymru er mwyn trafod cynigion ar gyfer cwmni ynni i Gymru.

O blaid	Ymatal	Yn erbyn	Cyfanswm
35	9	0	44

Derbyniwyd y cynnig wedi'i ddiwygio.

11 Cyfnod pleidleisio

Dechreuodd yr eitem am 17.29

12 Dadl Fer

Dechreuodd yr eitem am 17.33

NDM6315 [Dai Lloyd \(Gorllewin De Cymru\)](#)

Amddiffyn Cymru i'r genhedlaeth nesaf.

Yr heriau presennol sy'n wynebu Cymru, ac na welwyd erioed o'r blaen, gan gynnwys y berthynas â gweddill y byd, anghydraddoldeb economaidd, a'r angen am weithredu cadarnhaol ar frys o ran gwella canlyniadau i'r genhedlaeth nesaf.

Daeth y cyfarfod i ben am 17.56

Cynhelir Cyfarfod Llawn nesaf y Cynulliad am 13.30, Dydd Mawrth, 6 Mehefin 2017